

一草亭眼科全書

上海十項堂書局印行

感應一草亭眼科全書卷二

松江李林馥啟賢氏重校

人參 味甘微苦微溫氣味頗厚陽中微陰氣血兩虛俱能補陽氣虛竭者此能回之於無何有之鄉陰血崩潰者此能障之於已決裂之後惟其氣壯而不辛所以能固氣味甘而純正所以能補血故凡虛而發熱自汗眩運困倦驚懼短氣遺泄瀉痢頭痛腹疼飲食不化痰涎壅滯嗽血吐血淋瀝便閉嘔逆躁煩下血失氣等證是皆必不可缺者氣味屬陽得氣分六血分四所以性多主於氣分而血分斷不可缺未有氣不至而血能自至者也故曰損其肺者益其氣須用人參以益之肺氣既主餘臟之氣皆主矣若內真寒而外假熱是為真正虛火非放膽用之必不可也然有元陰虧乏而邪火燦於表裏神魂躁動內外枯熱真正陰虛之火以此投之陽旺則陰愈消惟陰虛火動太盛者暫忌之

黃芪 味甘氣平氣味俱輕升多降少陽中微陰生者微涼可治瘰疽密炙性溫能補虛損用其味輕故專於氣分而達表所以能補元陽充腠理治勞傷長肌肉氣虛而難汗者可發表疎而多汗者可止其所以止血崩血淋者以氣固而血自止也故曰血脫益氣其所以除瀉痢帶濁者以氣固而陷自除也故曰陷者舉之然其性味俱浮純於氣分故中滿氣滯者當酌用之

白朮 味甘辛氣溫氣味俱厚可升可降陽中有陰氣中有血其性溫燥故能益氣

和中補陽生血煖胃消穀益津液長肌肉助精神實脾胃止嘔逆補勞倦進飲食
利小水除濕運痰消浮去脹治心腹冷痛胃虛下痢瘕癖癥瘕制以人乳欲潤其
燥炒以壁土欲助其固佐以黃芩清熱安胎以其性溢壯氣故能止汗實表而瘧
疽得之必反多膿奔豚遇之恐反增氣及上焦燥熱而氣多壅滯者皆宜酌用之
蒼朮 味苦甘辛性溫而燥氣味俱厚可升可降陽也用此者用其溫散燥濕其性
溫散故能發汗寬中調胃進食去心腹脹疼霍亂嘔吐解諸鬱結逐山嵐瘴氣散
風眩頭疼消痰癖氣塊水腫脹滿其性燥濕故治冷痢冷洩滑瀉腸風寒濕諸瘡
與黃柏同煎最逐下焦濕熱痿痺若內熱陰虛表疎汗出者忌服茅山質堅小者
佳

桔梗 味苦微辛氣微涼氣輕於味陽中有陰有小毒其性浮用此者用其載藥上
升故有舟楫之號入肺胆胸膈上焦載散藥表散寒邪載涼藥清咽疼喉痺亦治
赤白腫痛載肺藥解肺熱肺癰鼻塞唾膿欬嗽載痰藥能消痰止嘔亦可寬胸下
氣引大黃可使上升引青皮平肝止痛能解中惡蠱毒亦治驚癇怔忡若欲專用
降劑此物不宜同用

防風 味甘辛氣溫升也陽也用此者用其氣平散風雖膀胱脾胃經藥然隨諸經
之藥各經皆至氣味俱輕故散風邪治一身之痛療風眼止冷淚風能勝濕故亦

去濕除遍體濕瘡若隨實表補氣諸藥亦能收汗升舉陽氣止腸風下血崩漏然此風藥中之潤劑亦能走散上焦元氣誤服久服反能傷人

細辛 味大辛氣溫氣味俱厚升也陽也有小毒用此者用其溫散善祛陰分之寒邪除陰經之頭痛益肝溫膽利竅逐諸風濕痺風癰痰癰鼻齕不聞香臭開關通竅散風淚目疼口臭牙蟲煎湯含漱過服亦散真氣不可不知此味辛甚故能逐陰分之邪陰分且然陽分可知舊云少陰厥陰之藥然豈有辛甚而不入陽分者但陽證忌熱用當審之

羌活 味微苦氣辛微溫升也陽也用此者用其散寒定痛能入諸經太陽為最散肌表之寒邪利周身頂脊之疼痛排太陽之癰疽除新舊之風濕緣非柔懦之物故能撥亂反正惟其氣雄大能散逐若正氣虛者忌用之

獨活 一名無風自動草 味苦氣香性微涼升中有降善行滯氣故入腎與膀胱兩經專理下焦風濕兩足痛痺濕痒拘攣或因風濕而齒痛頭眩喘逆奔豚痛瘦腰腹疼痛等症皆宜之

升麻 味微苦氣平氣味俱輕浮而升陽也用此者用其升散提氣乃脾胃肺與大腸四經之藥善散陽明經風寒肌表邪熱提元陽之下陷舉大腸之脫泄除陽明溫疫表邪解膚腠風熱斑疹引石羔除齒牙臭爛腫痛引葱頭去陽明表證頭疼

佐當歸肉蓯蓉可通大便結燥凡瘧疽瘰癧陽虛不能起發及瀉痢崩淋夢遺脫肛陽虛下陷之類用佐補劑皆所宜也若上實氣壅諸火炎上及太陽表證皆不宜用且其味苦氣散若血氣太虛及水火無根者並不可用

前胡 味苦氣寒降也陰中微陽去火痰實熱開氣逆結滯轉筋霍亂除胸中痞滿氣喘嘔逆咳嗽煩悶治傷寒寒熱風熱頭疼解嬰兒疳熱

地榆 味苦微澁性寒而降既清且澁故能止吐血衄血清火明目治腸風血痢及婦人崩漏下血月經不止帶濁痔漏產後陰氣散失亦斂盜汗療熱痞除惡肉止瘡毒疼痛凡血熱者當用虛寒者不相宜也作膏可貼金瘡搗汁可塗虎犬蛇蟲傷毒飲之亦可

黃芩 味苦氣寒氣輕於味可升可降陰中微陽枯者善於入肺實者善入大腸欲其上者酒炒欲其下者生用枯者濟上焦之火消痰利氣定喘嗽止失血退往來寒熱風熱濕熱頭痛解瘟疫清咽療肺痿肺癰乳癰發背尤祛肌表之熱故治斑痧鼠瘻瘡瘍赤眼實者涼下焦之熱能除赤痢熱畜膀胱五淋澀痛大腸閉結便血漏血胎因火動不安酌佐砂仁白朮腹因火滯為痛可加黃連厚朴大腸無火滑泄者最當慎用

黃連 味大苦氣大寒味厚氣薄沉也降也降中微升陰中微陽專治諸火火在上

炒以酒火在下炒以童便火而嘔者炒以姜汁火而伏者炒以鹽湯同吳茱萸炒
可以止火痛同陳壁土炒可以止熱瀉同枳實用可消火脹同天花粉用能解煩
渴同木香丸和火滯下痢腹痛同吳萸丸治胃熱吐吞酸水總之其性大寒故惟
平肝涼血肅胃清腸涼胆止驚癇瀉心除痞滿上可治吐血衄血下可治腸癖便
紅療婦人陰戶腫痛 小兒食積熱疳蚊蟲消惡瘡癰腫除濕熱鬱熱善治火
眼亦消痔漏解烏附之熱殺巴豆之毒然其善瀉心脾實火虛熱妄用必致格陽
故寇宗奭曰虛而冷者慎勿輕用

胡黃連 味大苦大寒其性味功用大似黃連能涼肝明目治骨蒸勞熱三消吐血
衄血五心煩熱療婦人胎熱虛驚熱痢及小兒疳熱驚癇浸人乳點目甚良

知母 味苦寒陰也其性沉中有浮浮則入手太陰手少陰沉則入足陽明足厥陰
足少陰也故其在上則能清肺止渴却頭痛潤心肺解虛煩喘嗽吐血衄血去喉
中腥臭在中則能退胃火平消痺在下則能利小水潤大便去膀胱肝腎濕熱腰
腑腫痛并治勞療內熱退陰火解熱淋崩濁

龍膽草 味大苦大寒陰也沉也乃足厥陰少陽之正藥大能瀉火但引以佐使則
諸火皆治故能退骨蒸疳熱除心火驚癇狂躁胃火煩熱黃疸咽喉腫痛肝腎膀
胱伏火小水淋閉血熱瀉痢下焦濕熱癰腫瘡毒疼痛婦人血熱崩淋小兒熱疳

客忤去目黃睛赤腫痛殺蠱毒腸胃諸虫及風熱盜汗凡肝腎有餘之火皆其所宜消目中弩肉

鵝不食草 氣味辛寒溫無毒能通鼻氣利九竅吐風痰去目翳生塞鼻中翳自落

治疫瘧齟齬鼻塞不通塞鼻嚏自落散鼻腫牙痛左右嚙之去風寒頭疼多取晒乾研末較之世用鼻烟者此更佳焉跌打損傷搗汁對酒服渣傳傷處俗二即愈

甘草 味甘氣平生涼炙溫可升可降善於解毒其味至甘得中和之性有調補之功故毒藥得之解其毒剛藥得之和其性表藥得之助其升下藥得之緩其速助

參芪成盛虛之功助熱地療陰虛之危祛邪熱堅筋骨健脾胃長肌肉隨氣藥入

氣隨血藥入血無往不可故稱國老惟中滿勿加恐其作脹速下勿入恐其緩功

丹參 味微苦甘澁性微涼無毒養血活血生血行血安生胎落死胎止血崩帶下

調勻經脈此心肝脾腎血分之藥所以養陰定志益氣解煩療眼疼脚痺通諸關

節惡瘡疥癬赤眼丹毒排膿止痛長肉生肌妊婦無故大便不實忌用

天麻 一名定風草 味辛平陰中有陽肝家氣分定風藥治風虛眩暈頭旋眼黑

頭痛諸風濕痺四肢拘攣利腰膝強筋骨安神志通血脈止驚恐恍惚殺鬼精虫

毒及小兒風癇驚氣然性情力緩用須加倍或佐以別藥然後見功

沙參 反藜蘆 味微甘苦性微寒氣味俱輕能養肝氣治多眠除邪熱益五臟陰

氣清肺涼肝滋養血脈散風熱搔痒頭面腫痛排膿消腫長肌肉止驚煩除疔痛
然性緩力微非堪大用易老云人參補五臟之陽沙參補五臟之陰

玄參 反蓼蘆 味甘苦微鹹氣寒苦能清火甘能滋陰入腎經走肺臟故能退無
根浮游之火散周身疾結熱瘰逐頸項咽喉痺毒瘰癧結核毆男女傳尸煩躁骨
蒸解溫瘧寒熱往來治傷寒發斑支滿亦療婦人產乳餘疾或腸中血瘕熱癰並
療勞傷痰嗽煩熱補腎滋陰明目解渴

苦參 味苦性寒沉也陰也乃足少陰腎經之藥能祛積熱黃疸止夢遺帶濁清小
便利水除瘰腫明目止淚平胃氣令人嗜食利九竅除伏熱狂邪止渴醒酒療惡
瘡癰疹疥癩殺瘡虫及毒風煩躁脫眉治腸風下血熱痢

貝母 反烏頭 味苦氣平微寒氣味俱輕功力頗緩用須加倍善解肝臟鬱愁散

心中逆氣祛肺痿肺癰痰膿喘嗽研末沙糖為丸含嚥最佳降胸中因熱結聚及
乳癰流痰結核疑人面諸瘡燒灰油調頻敷產難胞衣不出研末用酒和吞除痰
疝喉痺金瘡止消渴煩熱赤眼翳膜堪點時痰黃疽能毆 土貝母性寒味大苦
陰也降也乃手太陰少陽足陽明厥陰之藥治肺癰肺痿欬喘吐血衄血降痰氣
開鬱結止痰痛消脹滿清肝火明目除時氣煩熱黃疽淋閉便血溺血解熱毒
殺諸蟲療喉痺瘰癧乳癰發背腫毒濕熱惡瘡痔漏金瘡出血火瘡疼痛為末可

一草亭利金書 卷五 四
數煎湯可服性味俱厚較之川貝母清降之功不啻數倍

柴胡 味苦微辛氣平微寒氣味俱輕升也陽中之陰用此涼散平肝之熱入肝胆三焦心胞四經其性涼故解寒熱往來肌表潮熱肝胆火炎胸脇痛結兼治瘡瘍血室受熱其性散故主傷寒邪熱未解溫瘧熱盛少陽頭痛肝經鬱證總之邪實可用真虛勿宜雖引清氣上升然升中有散中虛不可散虛熱不可寒豈容誤哉澹泄脾薄者當慎用之熱結不通佐當歸黃芩正所宜也苟無實熱而用柴胡不死何待

濕草部

地黃 生地黃味苦甘氣涼氣薄味厚沉也陰也鮮者更涼乾者微涼能生血補血涼心火退血熱去煩躁骨蒸熱痢下血止嘔血衄血脾中濕熱或婦人血熱而經枯或上下三消而熱渴總之其性頗涼若脾胃有寒者用宜斟酌

熟地黃 末甘微苦味厚氣薄沉也陰中有陽本草言其入手足厥少陰經大補血衰滋補腎水填骨髓益真陰專補腎中元氣兼療減血之經此雖泛得其概亦豈足以盡是之妙故諸經之陽氣虛者非人參不可諸經之陰血虛者非熟地不可一陰一陽相為表裏凡諸陰虧損者有為發熱頭疼焦渴喉痺嗽痰喘氣或脾腎寒逆為嘔吐或虛火載血於口鼻水泛於皮膚陰虛而泄痢陽浮而狂躁陰脫而

朴地陰虛而真氣散失精血俱損脂膏殘薄者舍熟地何以扶持安危則熟地兼散劑方治發汗兼溫劑始能固陽

車前子 即茅苡 味甘微鹹氣寒入膀胱肝經通尿管熱淋澀痛毆風熱目赤翳膜利水能除濕痺性滑極善催生兼治濕熱瀉痢亦去心胸煩熱根葉生搗汁飲治一切尿血衄血熱痢尤逐氣癰利水氣虛下臨腎氣虛脫勿服

白蒺藜 味苦微辛微甘微涼能被癥瘕結聚止遺溺泄精療肺痿肺癰翳膜目赤除喉痺癰疥瘰癧風通身濕爛惡瘡乳巖帶下俱宜催生止煩亦用涼血養血亦善補陰用補宜炒熱去刺用涼宜連刺生搗去風解毒白者最涼消目腫濕爛

紅花 味甘微苦微辛氣微涼陰中微陽惟入血脈多用女科少用可活血引經多用能破血通瘀可下死胎亦療血暈達痘瘡血熱難出散斑疹血滯不息潤燥活血止痛通經亦消腫毒

白菊花 白菊花根善利水搗汁和酒服之大治癰閉 味甘色黃者能養血散風去頭目風熱眩暈疼痛目中翳膜及遍身遊風風疹作枕明目葉亦可用 味苦者性涼能解血中鬱熱清頭目去風熱眼目腫痛流淚根葉辛香能消瘡毒止疼痛

野菊花

一名苦蕒

根葉莖花皆可同用味苦辛大能散火散氣消瘰毒疔腫瘰

瘰眼目熱痛亦破婦人瘀血孫氏治瘰毒

根葉共搗酒煎服以渣敷之

益母草

子名茺蔚

功用畧同但子味微甘稍溫故能涼血補血亦益陰氣明目

童神散大忌用

麻黃

味微苦微瀉氣溫而辛升也陽也此以輕揚之味而兼辛溫之性故善達肌

表走經絡大能表散風邪祛除寒毒一應瘟疫瘧疾瘴氣山嵐凡此皆胆胃膀胱

足三陽表實之證必宜用之若寒邪深入少陰厥陰筋骨之間非用麻黃官桂不

能逐也但用此之法自有微妙則在佐使之間或兼氣藥以助力可得衛中之汗

或兼血藥以助液可得營中之汗或兼溫藥以助陽可逐陰疑之寒毒或兼陽藥

以助陰可解炎熱之瘟邪此實傷寒陰瘧家第一要藥若過發則汗多亡陽若自

汗表虛之人用之則脫人元氣是皆過用及誤用而然若陰邪深入則無論冬夏

皆所最宜又何過之有此外如手太陰之風寒效嗽手少陰之風熱斑疹足少陰

之風水腫脹足厥陰之風痛目痛凡宜用散者惟斯為最然柴胡麻黃俱為散邪

要藥但陽邪宜柴胡陰邪宜麻黃不可不察也

連翹

味苦微辛氣微寒氣味俱薄輕清而浮升也陽中有陰入手少陰手足少陽

陽明瀉心經客熱降脾胃濕熱去寸白蛇蟲通月水五淋以其味苦而輕故善達

肌表散鼠癰瘰癧瘰癧結熱蠱毒癰毒班疹治瘡癰止痛消腫排膿瘡家號為聖丹以其辛而能散故又走經絡通血凝氣滯結聚所不可無

鼠粘子

一名牛旁

一名大力子

味苦辛降中有升治風毒班疹諸癰散瘡瘍

腫毒喉痺及腰膝凝寒痺滯之氣以其善走十二經而解中有散也感受風邪頭面浮腫惟脾虛泄瀉尤忌

決明

味微苦微甘性平微涼力薄治肝熱風眼赤而多淚及肝火目昏可為佐使

惟多服久服方可得效或作枕用治頭風明目其功勝於黑豆

葶藶

味苦大寒沉也陰也氣味俱厚有毒善逐水氣不減大黃但大黃能泄血閉

葶藶能泄氣閉氣行而水自行也若肺中水氣臃滿脹急者非此不能除然性急

利甚凡涉氣虛者不可輕用

夏枯草

味微苦微辛氣浮而升陰中陽也善解肝氣養肝血故能散結開鬱大治

瘰癧鼠癰乳癰癰氣并治頭瘡目疾目珠夜痛神效

蒼耳子

一名羊耳來

味苦微甘治頭風寒痛風濕風痺四肢拘攣去風明目養

血煖腰膝及瘰癧瘡疥亦治鼻淵宜炒熱為末白湯點眼一二錢久之乃效忌猪

肉馬肉入肝脾二經肝受風則血阻脾受濕則氣滯上如腦頂下而足膝內入骨

髓外而皮膚無往不到祛風去濕之聖藥也忌猪肉者猪肉動風助濕及風邪觸

犯則遍身發出赤丹而致病益增其耳去刺酒拌蒸用

青箱子 野雞冠子也

味微苦微寒能清肝火血熱故治赤眼退赤障消翳腫鎮

肝明耳目亦去風濕惡瘡疥癩一身風痒腫子散大用之助火故忌用之

艾

味微苦氣辛生用微溫熟用微熱能通十二經而尤為肝脾腎之藥善於溫中

逐冷除濕行血中之氣氣中之滯凡婦人血氣寒滯者最宜用之故能安胎止心
腹痛治帶下血崩暖腰膝止吐血下痢辟風寒寒濕瘴癘霍亂轉筋及一切冷氣
鬼氣殺蛇虫并下部腐瘡或生用搗汁或熟用煎湯或用灸百病或炒熱敷熨可
通經絡或袋盛包裹可溫腰膺表裏生熟俱有所宜

木賊

味微苦微甘性溫而升陽也性亞麻黃故能發汗解肌治傷寒瘧疾去風濕

散火邪療目疾退翳障止腸風下血下痢及婦人崩中帶漏月水不調亦治風濕
疝痛大腸脫肛

燈心草

味淡性平能通水道澀結癰閉治五淋瀉肺熱降心火除水腫止血通陰

氣散腫止渴但用敗蓆煮服更良若治喉痺宜燒燈草灰吹之若治下疳瘡亦用
燒灰加輕粉麝香為末摻之小便不禁忌用

穀精草

味辛微苦氣溫性浮而輕入足陽明胃足厥陰腎治風火齒痛喉痺

血熱諸瘡痛痒肝虛目翳澀淚雀目至晚不明並肝疾傷目痘後星障退翳之

要藥也試看望月砂係免食此草而成亦能治眼為要藥取嫩秧花如白星者良

芳草部

當歸 味甘辛氣溫氣輕味重可升可降陰中有陽其味甘而重故專能補血其氣輕而辛故又能行血補中有動行中有補誠血中之氣藥亦血中之聖藥也頭止血上行身養血中守尾破血下流全活血不走大約佐之以補則補故能養營養血補氣生精安五臟強行體益神志凡有形虛損之病無所不宜佐之以攻則通故能祛痛通便利筋骨治拘攣癰瘕燥溢等証營虛而表不解者佐以柴胡葛麻桂等劑大能散表衛熱而表不斂者佐以大黄之類又能固表惟其氣辛而動故欲其靜者當避之性滑善行大便不固者當避之凡陰中火盛者當歸能動血亦非所宜陰中陽虛者當歸能養血乃不可少若血滯而為痢者正所當用其要在動滑兩字若婦人經期血滯臨產催生及產後兜枕作痛俱當以此為君小兒痘疹驚癇凡屬營虛者必不可少

川芎 味辛微甘氣溫升也陽也其性善散又走肝經氣中之血藥也反藜蘆畏硝石滑石黃連者以其沉寒而制其升散之性也芎歸俱屬血藥而芎之散動尤甚於歸故能散風寒治頭痛破瘀蓄通血脈解結氣逐疼痛排膿消腫逐血通經同

細辛煎服治金瘡作痛同陳艾煎服驗胎孕有無三四月後服此微動者胎也以其氣升故兼理崩漏眩運以其甘少故散則有餘補則不足惟風寒之頭痛極宜用之若三陽火壅於上而痛者得升反甚今人不明升降而但知川芎治頭痛謬亦甚矣多服久服令人耗散真氣能致暴亡用者識之

赤白芍

反藜蘆

味微苦微甘畧酸性頗寒氣薄於味斂降多而升散少陰也有

小毒白者味甘補性多赤者味苦瀉性多生者更涼酒炒微平其性沉陰故入血分補血熱之虛瀉肝火之實固腠理止熱瀉消癰腫利小便除眼疼退虛熱緩三消諸症於因熱而致者為宜若脾氣寒而痞滿難化者忌用止血虛之腹痛欬血處之發熱白者安胎熱不寧赤者能通經破血此物乃補藥中之稍寒者非若極苦大寒之比謂若其白色屬金恐傷肝木寒伐生氣產後非宜則凡白過芍藥寒過芍藥者又將何如如仲景黑神散芍藥湯之類非皆產後要藥耶用者還當詳審丹皮 味辛苦氣微涼氣味俱輕陰中陽也赤者行性多白者行性緩入手少陰及足厥陰經忌葫蒜涼骨蒸無汗散吐衄瘀血除產後血滯寒熱祛腸胃蓄血癥堅仍定神志通月水治驚搐風癰療癰腫住痛總之性味和緩原無補性但其微涼而辛能和血涼血生血除煩熱善行血滯滯去而鬱熱自解故亦退熱用此者用其行滯而不峻

白豆蔻 味辛氣溫味薄氣厚陽也入脾肺兩經別有清爽之氣散胸中冷滯溫胃
口止痛除嘔逆翻胃消宿食膨脹治噎膈除瘧疾解酒毒祛穢惡能退翳膜亦消
痰氣欲其速效嚼嚙其良或為散亦妙白睛白翳目皆紅筋皆宜之

香附 味苦辛微甘氣溫氣味俱厚陽中有陰血中氣藥也專入肝胆二經兼行諸
經之氣用此者用其行氣血之滯童便炒欲其下行醋炒則理氣痛開六鬱散寒
邪利三焦行結滯消飲食痰涎痞滿腹脹臍腫腳氣止心腹肢體頭目齒耳諸痛
瘡霍亂吐逆氣滯泄瀉及吐血下血尿血婦人崩中帶下經脈不調胎前產後氣
逆諸病因能解鬱故曰婦人之要藥然其味辛而動若陰虛躁熱而汗出血失
者概謂其要則大誤矣此外凡瘰癧瘰癧瘡瘍但氣滯不行者皆宜用之為要
藥

紫蘇葉 味辛氣溫氣味香竄者佳用此者用其溫散解肌發汗祛風寒甚捷開味
下食治脹滿亦佳順氣宜用口臭亦辟除霍亂轉筋祛腳氣通大小腸消痰利肺
止痛溫中安胎定喘解魚蟹毒治蛇犬瘡或作羹或生食俱可

梗 能順氣其性緩體虛者可用 子 性潤而降能潤大便消痰喘除五
膈定霍亂順氣帶

薄荷 味辛微苦氣微涼氣味俱輕升也陽也其性涼散通關節利九竅乃手厥陰

大陰經藥清六陽會首散一切毒風治傷寒頭痛寒熱發毒汗療頭風腦痛清頭目咽喉口齒風熱諸病除心腹惡氣脹滿霍亂下氣消食消痰辟邪氣穢惡引諸藥入營衛開小兒之風涎亦治瘰癧瘰癧腫瘡疥風瘙癢疹作菜食之除口氣搗汁含漱去舌胎語澁操葉塞鼻止衄血亦治蜂螫蛇傷病新痊者忌用恐其泄汗亡陽

荊芥 味辛苦氣溫氣厚味薄浮而升陽也用此者用其辛散調血能解肌發表退寒熱清頭目利咽喉破結氣消飲食通血或行痰滯助脾胃辟諸邪毒氣醒酒逐濕療頭疼頭旋脊背疼痛手足筋急瘡痺脚氣助骨煩疼風濕疝氣止下血血痢崩淋帶濁若產後中風強直宜研末酒服甚妙搗爛醋調傅疔瘡腫毒最佳亦鼠瘻瘰癧血風瘡疥必用之要藥

白芷 味辛氣溫氣厚味輕升也陽也其性溫散敗毒逐陽明經風寒邪熱止頭痛頭風頭眩目痛目痒濕出散肺經風寒皮膚斑疹燥痒治鼻鼾鼻淵齒痛眉稜骨痛大腸風秘腸風尿血其氣辛香達表故治瘡瘍排膿止痒定痛托瘰疽肺癰瘰癧痔瘻長肉生肌炒黑用之提女人血崩漏下亦白血閉陰腫欲去黑斑宜以生用可作面脂亦治蛇傷砒毒金瘡傷損

膏本 味甘性辛溫氣厚味薄升也陽也療諸惡風鬼注除大陽頂嶺頭痛大寒犯